

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj:
Sarajevo, 29.09.2014. godine

Na osnovu člana 124. Zakona o visokom obrazovanju - prečišćen tekst ("Službene novine Kantona Sarajevo", broj: 42/13), člana 92. Statuta Univerziteta u Sarajevu i prijedloga Dekana Elektrotehničkog fakulteta u Sarajevu od 29.09.2014. godine, Nastavnonaučno vijeće Elektrotehničkog fakulteta u Sarajevu na 161. redovnoj sjednici održanoj 29.09.2014. godine donosi

ODLUKU
o uslovima i postupku promjene odsjeka studija

I

Ovom odlukom regulira se način, uslovi i postupak promjene odsjeka studija za studente Elektrotehničkog fakulteta u Sarajevu, koji se upisuju prvi put u prvu godinu prvog ciklusa studija, počevši od studijske 2014/2015. godine.

II

Studenti prvog ciklusa studija mogu jedanput u toku studija promijeniti odsjek studija.

Promjena odsjeka vrši se u pravilu nakon prvog semestra prve godine studija.

Promjenu odsjeka student može izvršiti i nakon okončanja nastavnog procesa u prvoj godini studija, pod uslovom da je odslušao predavanja iz svih predmeta odsjeka na koji želi preći.

III

Student koji želi promijeniti odsjek podnosi Studentskoj službi Elektrotehničkog fakulteta u Sarajevu molbu za promjenu odsjeka studija.

Krajnji rok za podnošenje molbe za promjenu odsjeka je 15 dana prije početka nastavnog procesa u ljetnom semestru ukoliko student podnosi zahtjev nakon prvog semestra studija, odnosno 15 dana prije početka nastavnog procesa u novoj studijskoj godini u slučaju da student podnosi molbu za promjenu odsjeka po okončanju nastavnog procesa u prvoj godini studija.

IV

Molbe koje sadrže prethodnu saglasnost šefa odsjeka sa kojeg student želi da pređe i saglasnost šefa odsjeka na kojem student želi da nastavi studij, razmatrat će se nakon isteka roka iz tačke III ove odluke.

V

Odluku o odobrenju promjene odsjeka studija donosi dekan Elektrotehničkog fakulteta u Sarajevu.

VI

Odluka o promjeni odsjeka studija, donosi se uz puno poštivanje jednakih uslova za održavanje nastavnog procesa na svim odsjecima i planom upisa za određenu studijsku godinu, vodeći posebno računa o prostornim (učioničkim i laboratorijskim) i kadrovskim resursima kojima Elektrotehnički fakultet u Sarajevu raspolaže.

VII

U slučaju dostavljanja većeg broja molbi za promjenu odsjeka studija, koji može ugroziti održavanje nastavnog procesa na pojedinim odsjecima, broj studenata prelaznika će se ograničiti, a prednost će se utvrđivati na osnovu ostvarene uspješnosti u prvom semestru studija.

VIII

Konačnu odluku o promjeni odsjeka studija donosi dekan, najkasnije sedam dana prije početka nastavnog procesa u ljetnom semestru, odnosno u novoj studijskoj godini.

IX

Ova odluka stupa na snagu danom donošenja, a primjenjivat će se od početka studijske 2014/2015. godine.

X

Stupanjem na snagu ove odluke prestaje da važi Odluka Upravnog odbora Elektrotehničkog fakulteta u Sarajevu broj: 01-01-1417/13 od 03.04.2013. godine.

O b r a z l o ž e n j e

Vodeći računa da su temeljem Pravila Elektrotehničkog fakulteta u Sarajevu studenti imali pravo jedanput promijeniti odsjek u toku studija, uz saglasnost šefa odsjeka sa kojeg student želi da pređe i saglasnost šefa odsjeka na kojem student želi da nastavi studij, a uzimajući u obzir da je došlo do izmjena Nastavnog plana i programa koje se odnose na prvu godinu prvog ciklusa studija, stvorila se potreba za reguliranjem pitanja promjene odsjeka u novonastalim uslovima. Na osnovu naprijed navedenog, vodeći računa da se ne naruši nastavni proces na pojedinim odsjecima, a da se s druge strane studentima omoguće što bolji uslovi i mogućnosti studiranja odnosno odabira studija, donijeta je odluka kao u dispozitivu.

DEKAN

Red. prof. dr Narcis Behlilović, dipl.ing.el.

Dostaviti:

1. Prodekan za nastavu
2. Odsjeci (4x)
3. Studentska služba
4. Oglasna ploča
5. Web stranica
6. Uz zapisnik
7. a/a